

**Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaat nr. Xx, xx.xx 20XX--meersoq**  
(Aningaaseriviit akunnermiliuttullu nalunaaruteqartussaanerat)

## § 1

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, Namminersorlutik Oqartussat nalunaarutaat nr. 11, 3 november 2021-meersoq, kingusinnerusukkut Inatsisartut inatsisaatigut nr. 56, 25. november 2024-meersukkut allanngortinneqartoq takuuk, imatut allannguisoqarpoq:

1. § 35 a, imm. 1, nr. 1, oqaaseqatigiit aappaat imatut oqaasertalerneqarpoq:

“Kontomik piginnittut inuk nakkutiginnittoq ataaseq arlallilluunniit peqatigalugit immikkoortortasut eqqarsaatigalugit, inuk taamatut nakkutiginnittoq kinaluunniit aamma pineqartup immikkoortortaqaqfimmi nakkutilliisuunermi sumik sunilluunniit suliaqarnera pillugu paasissutissat aamma ilanngunneqarsinnaapput.”

2. § 35 a, imm. 1, nr. 1-imi oqaaseqatigiit aappattut ilanngunneqarpoq:

“Nammineq pilluni atuuttumik nalunaaruteqartoqarnera kontolu ataatsimut kontonersoq taamaattoqarpallu kontomik ataatsimut piginnittut amerlassusaat pillugit paasissutissat nalunaarummi aamma ilanngunneqarsinnaapput.”

Matuma kingorna immikkoortup aappaa pingajuanngorpoq.

3. § 35 a, imm. 1, nr. 2-mi “Kontop normua” imatut allanngortinneqarpoq “Kontop suunera kontollu normua”.

4. § 35 a, imm. 1, nr. 7-imi oqaaseqatigiit aappaattut ilanngunneqarpoq:

“Nammineq pigisanit pigisat, inatsilerinermi aaqqissuussinermi aningaasaliinermi immikkoortortaqaqfimmit pigineqartut eqqarsaatigalugit, inuup nalunaarutigineqartussaasup nammineq pigisanit pigisaqarnermigut inissisimanera imaluunniit inissisimaneri pillugit paasissutissat nalunaarummi aamma ilanngunneqarsinnaapput.”

5. § 66 a, imm. 1-imi oqaaseqatigiit aappaat imatut oqaasertalerneqarpoq:

“Naalakkersuisut akunnermiliuttup oqaaseqatigiit siulliat naapertorlugu nalunaaruteqartussaangitsutut nalunaartup sullitaminut tamanna pillugu nalunaaruteqarnissaa pillugu malittarisassanik aalajangersaasinnaapput.”

6. § 66 a-mi, imm. 1-ip kingorna immikkoortoq nutaaq ilanngunneqarpoq:

“Imm. 2. Naalakkersuisut akunnermiliuttut akileraartartullu suliamut attuumassuteqartut nalunaarutigisassamik akileraarutinik nalunaarsuinermi normut pillugit paasissutissanik katersuinissaat pillugu malittarisassanik aalajangersaasinnaapput.”.

*Imm. 2 tamassuma kingorna imm. 3-nngorpoq*

7. § 68 a, imm. 3 atorunnaarpoq.

## § 2

Inatsisartut inatsisaat ulloq 1. januar 2026 atuutilersinneqarpoq.

*Kalaallit Nunaanni Namminersorlutik Oqartussat, ulloq xx. Xx 20XX*

Jens-Frederik Nielsen  
Naalakkersuisut Siulittaasuat